

- 60 Ficto pacis federe, pro quo conquassatur.
 Scopulus acumine gravi comminatur¹,
 Navem Petri² subruat sed hec instauratur,
 Syrtis cum discrimine³ navis ventilatur,
 Diuturnis ictibus Petrus fatigatur,
 65 Ut Susanna crimine falso spoliatur;
 Danielis spiritus ille suscitator
 Atque Iude filie pius liberator
 Suscitavit spiritum Iude nunc salvator
 Contra semen Chanaan⁴, Christus miserator⁵
 70 Prodit Innocencium, qui sit instaurator
 et lugentis filie Syon⁶ reformator.
 Degens velud Escines volo describatur
 Rei geste series: sensus hebetatur,
 Gens et generatio lugubris rimatur;
 75 Bestia Democrito maior sinuatur
 Tartarus, quo fidei nomen inpugnatur.
 Anno quadragesimo Christi prenotatur
 Ducentis millesimus, quo depopulatur
 Polonus, et Ungarus tunc exterminatur,
 80 Esse papa desiit et sol obscuratur⁷
 Ex objectu corporis. Ut necesse datur,
 Hiis adventus iudicis magni portentatur;
 Inminet minaciter, hoc manifestatur:
 Palmes aret vinee, vitis aspernatur,
 85 Inmutatur tytilus, iam lex non zelatur.
 Quare? quia capitis robur occultatur:
 Cetus malignantium per hoc gloriatur.
 Pastor cum subducitur, Arrius letatur,
 Plathearum capite Lucas adtrectatur,
 90 Clerus venerabilis dire subsannatur.
 Post hec anno tercio papa subrogatur
 Quartus Innocencius, legem qui zelatur.
 Quis sit codex nescio, de quo propagatur
 Nomen Innocentius, in quo lex novatur.

1) 'cominatur', o aus u corr., n ist undeutlich, Hs. 2) 'Navem brevi Petri' Hs., doch 'brevi' durchstrichen. 3) 'discrime' Hs. 4) Dan. 13, 45: 'suscitavit Dominus spiritum sanctum pueri . . . , cuius nomen Daniel'; ib. v. 56: 'Semen Chanaan et non Iuda'; v. 57: 'filia Iuda'. 5) 'xpc liberator miserator', aber 'liberator' durchstrichen Hs. 6) filia Syon = ecclesia. 7) Der Einfall der Tartaren in Polen und Ungarn, von dem hier die Rede ist, fand 1241 statt. In demselben Jahr (Aug. 21) starb Papst Gregor IX., bald darauf (Nov. 10) Coelestin IV., die hier erwähnte totale Sonnenfinsternis war am 6. Okt. 1241; vgl. z. B. N A. XXI, 526.